

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 139. sjednici održanoj 14. aprila 2010. godine, donosi

ODLUKU

O IZMJENAMA I DOPUNAMA ODLUKE O NAČINU PRODAJE ŠUMSKIH DRVNIH SORTIMENATA IZ DRŽAVNIH ŠUMA NA TERITORIJI FEDERACIJE BOSNE I HERCEGOVINE

I.

U Odluci o načinu prodaje šumskih drvnih sortimenata porijeklom iz državnih šuma na teritoriji Federacije ("Službene novine Federacije BiH", broj 52/09) u članu 6. stav 1. mijenja se i glasi:

"Licitacija/javno nadmetanje se mora objaviti tako da je dostupno svim potencijalnim kupcima. Objavljuje se u najmanje jednom dnevnom listu koji se distribuira na teritoriji Federacije BiH, na web-stranici i na oglasnim pločama šumsko-privrednog društva, a provodi se na sljedeće načine:

1. preprodaja,
2. naknadna prodaja,
3. prodaja visokovrijednih sortimenata.

Objava u dnevnim listovima može biti u vidu obavijesti o prodaji šumskih drvnih sortimenata sa informacijom da se cijeli tekst objave može naći na web-stranici i na oglasnim pločama šumsko-privrednog društva."

II.

U članu 7. stav 2. tačka 3. mijenja se i glasi:

"Tehnička oblovinna može se odobriti lokalnom seoskom stanovništvu za izgradnju objekata koji su potrebni seoskom domaćinstvu (kuća, staja za stoku ili pomoćni objekti) na lični zahtjev, u količini potrebnoj za gradnju planiranog objekta, a najviše do 15 m³, na sljedećim lokacijama:

- a) U šumi na panju iz sanitarnih sječa na isti način i po istim procedurama kao pod 1.a) ovog člana,
- b) Na međustovarištu na isti način i po istim procedurama kao pod 1.b) ovog člana.

III.

U članu 8. stav 2. mijenja se i glasi:

"Nova rezervna/minimalna cijena se izračunava na kraju svake godine za narednu godinu i to na način prikazan u sljedećoj tabeli:

Tabela 1: Primjer modela

Početna lista cijena	100	70% prodaje putem ugovora o sukcesivnoj isporuci				
Tenderska cijena	150	30% prodaje licitacijom/javnim nadmetanjem				
Razmjjer rezervne i tenderske cijene korišten u preračunu novih rezervnih cijena:						
			% rezervna cijena 70%		% tenderska cijena 30%	
Godina	Početna rezervna cijena	Važeća rezervna cijena	Važeća tenderska cijena	Nova rezervna cijena za sljedeću godinu	Povećanje početne cijene	% od nove ponude Postignuta rezervna cijena
God 1	100	70	45	115	15%	30%
God 2	115	81	45	126	26%	51%
God 3	126	88	45	133	33%	66%
God 4	133	93	45	138	38%	76%
God 5	138	97	45	142	42%	83%
God 6	142	99	45	144	44%	88%
God 7	144	101	45	146	46%	92%
God 8	146	102	45	147	47%	94%
God 9	147	103	45	148	48%	96%
God10	148	104	45	149	49%	97%

IV.

Ova Odluka stupa na snagu narednog dana od dana objave u "Službenim novinama Federacije BiH".

V broj 280/10
14. aprila/travnja 2010. godine
Sarajevo

Premijer
Mustafa Mujezinović, s. r.